

შინაური საქმეები.

მოკელ-კვირული გაზეთი

№ 3.

შასი ერთი შაური

წლიური შასი 4 მან.

წელიწადი მეექვსე.

კვირა, 27 იანვარი 1913 წელი

ქუჩა-კვირული გაზეთი

სხვის მოყვანაშია (რე-
დაქცობა, ქ. ქუთაისში სს-
ოფისათ. კვანკაის ქუ-
ჩაზე) და თბილისში კამბეჭკუდან სომხის ბაზარში, სომხანის მუქის
მდარბაში, გამოვა ყოველ თვეში ოთხი ნომერი.

შინაური საქმეები

სს, წლი: ||| 2 მანეთი.
ქათმა ფსი: ||| 4 მანეთი.
სამო თეთი: ||| 1 მანეთი.
ქათმა თეთრი: ||| 2 აბანი.

ცალკე ნომერი ქუთაისში ერთი შაური.
ფურცელი წლიური შასი მომწოდებელს შეიძლება ასე განაწილდეს: თოვდან 2 მ. და 1 ივნისს 2 მ.
განსაზღვრს ფასი წინა გვერდზე პეტრით სტრიქონი ორი შაური, უკანასკნელზე 7 მ.
ადრესი: ქუთაისი: „მანაური საქმეების“ რედაქცია.

შინაური: 1. სიტყვა — ებისკოპოს ლეონიდისა; 2. სა-
უბრები (რუსულით)ა. 3 — სისა; 3. კრიტიკული შენიშე-
ნები — ხომლედისა; 4. მოწერილი ამბები — ფერშ. ა.
ბარელაძესი; 5. წერილი რედაქციის მიმართ; 6. მადლო-
ბის გამოცხადება.

სიტყვა

სასულიერო სემინარიაში სტუდენტ ბაქტორ ბერი-
ძისადმი მისი მღვდლად ხელდასმის გამო.

მოგილოცავ, საყვარლო ძმაო, და ამიე-
რიდან უკვე სულიერო მამაო, ბიქტორ, მღვ-
დებლობის მადლის მიღებას. ვთხოვ ჩვენს ხე-

*) პატივცემულ ავტორის ქადაგებების ერთ
უმთავრეს თვისებას შეადგენს მათი ფართო
საზოგადოებრიობა, მათი საყოველთაობა; მი-
სი ქადაგებები სახარების ნიადაგზე აღმოცენე-
ბული და მარტოვე დამყარებულ-დაფუძნებული
სადღესობის პუბლიცისტური წერილებია. ასეთი
ხანითი აქვს მოყვანილი სიტყვასაც, თუმცა
პირადად მიმართულია განსახლებულ პიროვნე-
ბისადმი, და ამიტომ ჩვეულებრივ სიამოვნებით
უთმობთ ადგილს, და ვურჩევთ ყველას, რო-
მელთა ქადაგების ცეცხლოვით ეშინიათ ამ
თვალსაზრისით შეხედონ მისი მეუფების ქადა-
გების ფორმით ჩვენ გაზეთში მოთავსებულ წე-
რილებს და ბევრიც რამ სტრიქონებს შორი-
საც ამოიკითხონ.



ციერ მწყემსმთავარს იესო ქრისტეს განამტკიცოს, განაცხოველოს და განაძლიეროს შენში ეგ ახლად დამკვიდრებული სული წმიდის მადლი.

ცხადია, შენ ჯერ ისევ იმ დიდებული წამის ძლიერი გავლენის ქვეშ იმყოფები, როდესაც ცრემლ მორეულმა გადმოგეცი ნაწილი წმიდა ტარიგისა სიტყვებით: „მიიღე წინდი ესე, და დაიცვ იგი მთელ და უვნებელ, ვიდრე უკანასკნელ ამომშინვამდე ცხოვრებისა შენისა, რამეთუ გიძს ამისთვის მოცემა სიტყვისა მეორესა საშინელსა მოსვლასა მაცხოვრისა და ღვთისა ჩვენისა იესო ქრისტესსა“.

გთხოვ, გლოცავ და გვევძრები ეს მცნება, ეს დავალება წმ. ეკლესიისა მარდის ყურში გედგას; რაც უნდა დაგემაართოს ცხოვრებაში, არასოდეს არ დაივიწყო და ვიდრე ფშვინავ, ვიდრე სული გიდგია, კრძალულებით, სასობით, სიფრთხილით და თავდადებით ატარო იგი გულითა და გონებით, აზრითა და გრძნობით.

წინდად ან ნიშნად მღვდლობის მადლის დამკვიდრებისა შენში ჩავბარდა წმ. ტარიგი, ნაწილი წმ. სეფისკვრისა, მომასწავებელი სოფლის მხსნელისა, ჩვენი ცოდვების გამოსასყიდლად დაკლულის ზეციერის ტარიგისა. ამ წამიდან შენ ხარ მხოლოდ და მარტო ოდენ მსახური ამ ზეციერი ტარიგისა, -მქადაგებელი ქრისტეს საქმისა, მუშაკი კაცთა ცხოვნებისა, განწმედელი ცოდვებისა და პოროტებისაგან ერის გულისა, გონებისა და სვინიდისისა, შემცდართა შემრიგებელი ღმერთთან, მაშენებელი ღვთის სასუფეველისა კაცთა შორის, ჩამომყვანი, ღიარ, გახსოვდეს და გწამდეს, ჩამომყვანი ზეციდან ქვეყანად დაუსაბამო მამის მადლისა და კურთხევისა, სოფლის მხსნელის იესო ქრისტეს სიყვარულისა, სულთა და ხორცთა ჩვენთა განწმედელის სული წმიდის ნუგეშისა და ზეციერ ძალთა და ყოველთა წმიდათა მხურვალე შეოხებისა. გარკვევით და ბეჯითად გებძანა შენ ამ წინდის დაცვა და შენახვა მთლიად და უვნებლად მთელი შენი სიცოცხლის განმავლობაში და გეუწყო, რომ

ყოველთა განსჯის დღეს იძულებული იქნები მისცე ამისთვის სიტყვა მაცხოვარსა და ღმერთსა ჩვენსა იესო ქრისტესა. გამოსახატად რწმენისა, რომ ამიერიდან მთელი შენი არსებით, მთელი შენი სულითა და გონებით გაუყოფელად და მთლიანად შეეწირები მღვდელობის მოვალეობის განხორციელებას, გადმოცემული ტარიგი გეყავა შენ ორივე ხელში და, დაყრდნობილი წმ. ტრაპეზზე, წირვის უმთავრესი ნაწილის დროს მხოლოდ ამ სიწმიდეს დაჰყურებდი, მარტო მას უმზერდი, მასზე ფიქრობდი, იგი იყო შენი გულისა და გონების ერთად ერთი საგანი. ნეტარება და ბედნიერება შენ, თუ სულ მსგავსი გულსმოდგინებით და თავდადებით გაატარე შენი მღვდელობა, თუ იმგვარადვე მთლად და უვნებლად ჩააბარე მღვდელობის სიწმიდეს, ზეციურ მწყემსმთავარს, როგორც მთლად და უვნებლად დამიბრუნე მე შენდამი დროებით გადმოცემული წმ. ტარიგი! სახელი და ნეტარება შენ, თუ მღვდელობის სიწმიდის ზიდვამ არ დაგლალა და ცხოვრებაში არ ჩამოაშორე მას რომელიმე ხელი, თუ მღვდელობის სიწმიდის დაცვაზე ზრუნვა, ფიქრი არ გაცვალე არასოდეს ჯილდო აღმატებაზე, სიმდიდრის შეძენაზე, ხორცის შევება-სიამოვნებაზე, ოჯახისა და ნათესავების დაწინაურებაზე და სხვა რამ ამ გვარზე!

მღვდელობის მოვალეობის ღირსეულად შესრულება არასოდეს სუბუქი და ადვილი არა ყოფილა, მაგრამ აქედამვე გაუწყებ, ძვირფასო ძმაო, რომ აწინდელ პირობებში იგი მეტად სამძიმო და საძნელო შეიქმნა საერთოდ და განსაკუთრებით ჩვენში, ქართველებში.

ღვეუნდება, ტანჯვა და წამება არაფერს ახალს არ წარმოადგენს ქრისტეს ეკლესიის სიკოცნლეში. ეს თითქოს მისი თანდაყოლილი ბედია. თითონ იესო ქრისტეს დაბადებას 14 ათასი წრმის გამოუსვრა მოჰყვა უგუნური იროდის ბძანებით; არხიდიაკონი წმინდა სტეფანე სხვერპლია ქრისტეს სულ ნორჩ ეკლესიაზე აღძრული დევნულებისა, დღეს დიდებული ბურჯი ეკლესიისა მოციქული პავლე თავიდან სასტიკი მღვდელი იყო ქრისტესი, ნერონი, კა-

ლიგულა, იულიანე განდგომილი და მათი მსგავსნი იხსენებებიან მსოფლიო ისტორიაში მხოლოდ იმის გამო, რომ მათ ნაკადულებათ აღინეს ქრისტიანეთა სისხლი, ჩირაღდნებათ ხმარობდნენ ქრისტიანებს, ქრისტიანების ხორცილთ ჰკვებავდნენ გალიაში დამწყვდულ ლომებსა და ვეფხვებს, ცხენებისა და ხარების მაგვირობას აწევინებდნენ ურემში და ეტლებში ქრისტიან ქალებს და მამაკაცებს და სხ. და სხ.

ჩვენი მშობლიო ივერიის ეკლესია? მას ხომ ამოსუნთქვითაც არ ამოუსუნთქავს მოსვენებით და გულდამშვიდებით! მაჰმადის მიმდევართა მძვინვარე ზღვის ტალღები მუდამ დღე არყევდნენ საქართველოს ეკლესიის პატარა გემს და დღე არ გავიდოდა, რომ ამ ტალღებს არ ჩაენთქათ ათობით და ასობით გემის გუშაგნი, შესაქენი, მსახურნი და მოგზაურნი. არ შეგულება საქართველოში ოჯახი, რომ ქრისტიანობის დევნულებას არ გამოეგლიჯოს მისთვის რამდენიმე წევრი...

დიად, წარსულში ქრისტეს ეკლესიას არ ჰქონია მოსვენება დევნულებისაგან, მაგრამ ამ გარემოებას გაუძლიერებია, აუმაღლებია, გაუმშენებია და უძლეველობის შარავანდებით შეუმოსია იგი. ეს არის შედეგი ორი პირობისა: ერთი, რომ ეკლესიის მღვდნელები, მებრძოლნი და წინააღმდეგნი იყვნენ გარედან მოსულნი, უცხო ბანაკელნი, ქრისტეს მოძღვრების უფიცნი და მეორე, რომ ეკლესიას და ერს შეურყეველ ბურჯებად და თხიზელ დარაჯებად უდგნენ მხარში ფრიად მორწმუნე, მაცხოვრის უზომო სიყვარულით აღფრთოვანებული და მეტად ძალადი, მეტად ნათელი გონების მღვდლები. ამ მღვდლების ზეშთავონებულ ქადაგებას ვერ უძლებდა ვერაფეთარი ბოროტი ძალა და, სადაც მივიდოდნენ, მათ გარეშემო იბადებოდა ნათელი, სათნო და წმინდა ცხოვრება.

დღესაც სასტიკ დევნულებას განიცდის ქრისტეს ეკლესია, მაგრამ ეს დევნულება არსებითად განსხვავდება ძველი დევნულებისაგან. ჩვენ დროს ქრისტეს ეკლესია იდევნება არა წარმართთაგან, არა ურიათაგან და არა მაჰმა-

დიანთაგან, არამედ თავისი შეილებისაგან ეკლესიისავე ემბაზში მონათლულებისაგან, ქრისტეს სისხლითა და ხორცილთ ნაზიარებთაგან, ქრისტიან დედამისის შეილებისაგან, ქრისტიანულ ოჯახში და სასწავლებელში აღზრდილ განვითარებულთაგან, შინაურებისაგან და შინაურ გამცემელს ხომ არას დროს და არსად ვერაფეთარი ციხე ვერ გაჰმაგრებია!

მეორეც, სხვებს არ შევევები; და ჩვენს ეკლესიას აღარ ჰყავს მცველებად მარჯვე და შესაფერი მღვდლები. რას წარმოადგენს ქართველი სოფლებისა და ქალაქდაბების აწინდელი სამღვდლოება? სულ უმნიშვნელო უმცირესობის გამონაკლისით, განუვითარებელ და უმეცარ კრებულს, რომლის ცოდნაც საუკეთესო შემთხვევაში განისაზღვრება მხოლოდ საეკლესიო წიგნების გვარიანი კითხვით, წირვალოცვისა, საიდუმლოებისა და ქრისტიანული წესების ტიბიკონისამებრ შესრულებით და ცოტადენი გალობით. ეს არის და ეს. მათთვის არ არსებობს არც საღმრთო წერილის მეცნიერული ცოდნა, არც ფილოსოფიურ-ღვთისმეტყველური განვითარება, არც ქადაგება, არც საეკლესიო ისტორია და მამათა მოღვაწეობა, არც მათ მრევლთა სარწმუნოებრივი ცხოვრების მოთხოვნილებათა გაგება. თუ მღვდელმა კვირას სწირა, მოსანათლები მონათლა და საკურთხები დააკურთხა, თავის მოვალეობას საუკეთესოდ შესრულებულად სთვლის და მეტზე აღარაფერზე სწუხს.

ცოდნითა და საქმით განვითარებით აღჭურვილი სამღვდლო პირნიც გვყავს, მაგრამ ერთი რომ ასეთები, როგორც მოვიხსენეთ, დიდს უმცირესობას შეადგენენ და ამის გამო მათი ძალა ვერ აკმაყოფილებს თანამედროვე ეკლესიის მოთხოვნილებათა და მეორეც, სამწუხაროდ, მათ შორის ზოგიერთებს, სამშობლო ენის უცოდინარობის გამო, ხმა ვერ ამოუღიათ; კრინტი ვერ დაუძრავთ და ვერ უსარგებლიათ თავისი ცოდნა-განვითარებით.

ცხადია, ასეთი მცველების, ასეთი პატრონების ამარად დატოებული ეკლესია წაიქცეოდა და, საუბედუროდ, ეს ასეც მოხდა.

ქართველ ერში გაქრა და დაიკარგა სარწმუნოების ცოდნა, ჩვენი დროის ქართველი კაცის და ქალის გულსა და გონებას თითქმის აღარაფერს აღარ ეუბნება ქრისტეს ჯვარი და სახარება. წმ. ნინოსი, შუშანიკასი, თამარ მეფისა და ქეთევან დედოფლის საღმრთო ცრემლებით მორწყულ-ნაზარდი ქრისტეს ტურფა წალკოტი ამოავდეს ჩვენი დროის პრანგვმა¹⁾ და ეშმა²⁾ უმწყესოთ დარჩენილ ქართველ მრევლს მგლებივით შემოესივნენ ყოველი მხრიდან ურწმუნოების მქადაგებლები და შეაძულეს მას ქრისტე და ეკლესია!

იქამდინა ჩვენში საქმე მიღწეული, რომ სათაკლოდ და სამარცხვინოთ აქეთ მიჩნეული მღვდლობის მიღება. განათლებულსა და შეგნებულ ახალგაზდას ქართველს რომ მღვდლად წასვლა ურჩიო, ქვა გუნდას მოგაყრიან, სასაცილოდ აგიგდებენ და უგუზურად, სულელად დაგსახვენ. მენახირობა რა არის, მენახირეთ წავლენ და მღვდლობას კი ითაკილებენ ზოგიერთები! ოთხი წელიწადი სრულდება, რაც ამხელა ეპარქიას ვმართავ, და მხოლოდ ამ წელში მომეცა ბედნიერება ორი კურს დამთავრებული სემენარიელის კურთხევისა.

ეჭვს ვარეშეა, მთლად ადგილად ვერც შენ შევლეოდი, მაშაო ბიქტორ, ერისკაცობას, შენც, უსათუოდ, მხოლოდ დიდი რყევისა და სულიერი ბრძოლის შემდეგ გადასწყვეტილი მღვდლობის მიღებას და, მადლობა ღმერთს, რომ საბედნიეროდ გამოხვედი შეცდომიდან, მადლობა ღმერთს, რომ ცოტა გვიან, მაგრამ მაინც საბოლოოდ ზურგი შეაქციე ჩვენი დროის მახინჯ შეხედულებას მღვდლობაზე. ამიერიდგან შენ უნდა ხმა მადლა და გაბედულად იქადაგო, რომ არსებობს ღმერთი, მისი ქმნილებაა ცა და ქვეყანა, მისი განგეობა აწარმოებს კაცსა და ქვეყნიერებას, რომ ღმერთი სისრულე, სინათლე და სიწმიდეა და ჩვენ, მისმა შვილებმა, ჩვენი ცხოვრების უმაღლეს მიზნად უნდა დავისახოთ მისსავით სრულ ყოფა, მასთან დაახლოება გონებისა, ხნეობისა და მოქა-

¹⁾ დათვი.
²⁾ ტახი, ღორი.

ლაქობის განვითარებით, განათლებით და სიწმიდით, რომ ღმერთი საუკუნო არსებაა და ჩვენც ყველანი ქალიან კაციანათ თუ ამ ქვეყნად კეთილი, სათნო და საღმრთო მოქალაქეა გვექნა, შევიქნებით მომავალში მისი საუკუნო სასუფეველის მკვიდრნი. ასეთი იქნება დღეიდგან შენი მოქმედება და განა კუთაში მყოფი კაცისათვის წარმოსადგენელია ასეთი ქადაგების წინააღმდეგ ბრძოლა, ასეთ ქადაგებასთან მტრული განწყობილების დაჭერა?! მაშ, ავეიხსნან, ვისთვისაც ღმერთი და საიქიო არ არსებობენ, რა აზრი აქვსთ ქვეყნისა და ჩვენს არსებობას? თუ შენთხვევით და თავის-თავად ვჩნდებით ქვეყანაზე და ბოლოს ისე მტკრად გავიბნევით, მაშ რიღას მაქნისია და რა სახარბიელოა სწავლა-განათლება, რომელსაც ასეთ თავგამოდებით ელტვის ქალი და კაცი? რა აზრი აქვს ალებმიცემობისა, ვაჭრობისა, მრეწველობისა და მეურნეობის განვითარებას, რომლის გულისთვისაც სახელმწიფოები ერთმანეთს ზედ ასკდებიან? წუთიერი, ხანმოკლე და უაზრო ცხოვრებისათვის უფრო მიზან შეწყობილი და უკეთესი არ არის შეუვნებლობა, ვეღურობა და ნადირობა, ვიდრე სწავლა-მეცნიერება, რადგანაც, როგორც ჯერ ისევ ძველი აღთქმის ბრძენმა სთქვა, „რომელმან შეიძინა მეცნიერება, შეიძინა ღმობაო“³⁾ (ეკლ. ა, 18)?

რა არის, თუ არა გონებრივი გაპარტახება ჩვენი საზოგადოებისა, ასე აბუჩად ალება მღვდელლობისა, როდესაც მღვდელობას ხშირად მთელი თავიანთი თანაგრძობით თავს დასტრობენ ისეთი ქართველები, როგორიც იყვნენ ილია და ყაზბეგი და როგორიც არიან კლდიაშვილი, ვაბაშვილის, ერისთავ-ხოშტარიასი და სხვანი? განა წარმოსადგენია, რომ კაცმა ქედი არ მოიხაროს ილია ქვეყნადის მამა გაბრიელის სურათის წინაშე? განა ონოფრე მოძღვარი ყაზიბეგისა საყვარელი პიროვნება არ არის? განა ეკატერინე ვაბაშვილის ახალგაზრდა მღვდელი ნიკო ბერიშვილი... მაგრამ მაპატივე, ძვირფასო ძმაო, ეს იმდენად საყურადღებო და საგული სხმო პიროვნებაა შენთვისაც და სხვებისთვისაც.

³⁾ ტკივილი, მწუხარება.

რომ არ შემოძლია, თითონ პატივცემული მწერალი ქალის მომნიბლავი ენით არ გაგაცნო იგი.

აი, გაბაშვილის სიტყვით, რას სწერს ხსენებული მღვდლის შესახებ ერთი ახალგაზრდა თავადიშვილი თავის დედას:

„დედა ჩემო, რომ იცოდე, რა რიგად დამარცხებულია ჩემი თავმოყვარეობა რა რიგად დასცილია ჩემი სიყმაწვილის დანაშაული? ვიცი, რომ შენ ყველაზე სასტიკი მსაჯული ხარ ჩემი და სამართლიანად დაინახავ ჩემს სასჯელს, მაგრამ ვის გაუხიარო შენს მეტს, ვის უთხრა ის, რამაც ჩემი წარსული ჩემსავე თვალში ზიზზით ააფსო და შავი და ბნელი მიაცენა!

ეპისკოპოსი ლეონიდი

(გაგრძელება შემდეგ ნომერში იქნება)

ს ა უ ბ რ ე ბ ი

გლესს, ფაბრიკის მუშის და მღვდლის შორის.

თასსეიდრთვე საწმუნებრავი სკითხება.

(თარგმნილი).

შ ე ს ა ვ ა ლ ი.

ეხლანდელს დროში ყველა ქალაქებისაკენ მიისწრაფვის, რომ იქ უფრო დამშვიდებით იცხოვროს, მეტს გამოჩინეს და ჰპოვოს ბედნიერება. მაგრამ ამასთან ისიც სათქმელია, რომ ყველაფერი მავნებელი და დამღუბველი ჩვენს სოფლებში გადმოაქვთ ქალაქებიდანვე. ცრუ განათლება, ურწმუნობა და უზნეობა ვრცელდება ქალაქებიდან სოფლებში და ძალიან ცუდად მოქმედობს როგორც კერძო პირებზე, ისე მთელ ოჯახებზე. ეს იცის და შეუძლიან გულახდილად გვიამბოს პატროსანმა და გულმართალმა გლესმა პეტრემ. ის დიდი ხანია ფიქრობდა მიეღო როგორმე ახსნა-განმარტება სარწმუნოებრივ ზოგიერთ ექვებისა. მას ჰქონდა ერთობა სექტანტებთან და მისვლა-მოსვლა მეზობელ ქალაქში, აქ სასტუმროში ის კითხულობდა ხოლმე გაზეთებს და მათის გა-

ვლენით მისს უეჭველათ მორწმუნე გულში უკვე შეპარულიყო ეჭვი. მაშინ მან ერთხელ მოიმიზეზა და შევიდა მღვდელთან, რომ გაეხსნა მისთვის თავისი გული. „გული მეთანადრება, მოახსენა მან, და მინდა, მამაო, რომ მომისმინოთ“ — „რა-ტომაც არა, საყვარელო მეზობელო“, შენიშნა მღვდელმა. თქვენ იცით, განაგრძო პეტრემ, რომ მუდამ მორწმუნე ქრისტიანი ვიყავი, მიყვარდა ჩემი სჯული და ვცხოვრობდი მის თანახმად ეხლა კი მესმის და ვკითხულობ ბევრს იმისთანა რამეს, რაც ყოველთვის არ ეთანხმება ჩვენს სჯულს. ეხლა ამბობენ და სწერენ, რომ სრულიად არ არის არც ღმერთი, არც მარადისობა, რომ მთელი ქვეყანა არის ღმერთი და სიკვდილით ყოველივე ისპობა. უგუნური და ბრიყვია ის, ვისაც სწამს პირადი ღმერთი და მარადისობა. გაკითხვა, ცა და ჯოცობებითი მხოლოდ ის ზღაპრებია, რომლებითაც სურთ გააფუტონ და მოსწამლონ კაცის ცხოვრება. რადგანაც არსებობს მხოლოდ სააქაოს ცხოვრება, ამიტომ მხოლოდ მით უნდა დავტკბეთ და საიქიოს შექმნა შეიძლება ამ ქვეყანაზევე. აი როგორ უმსგავსს მოძღვრებას ჰქადაგებენ ეხლა თანამედროვე გაზეთებში და წიგნაკებში, რომლებიც ჩვენ ოჯახებშიც შეგხვდებათ. ასეთი უღვთო შეხედულობა და მოძღვრება მოაქვს ფაბრიკიდან ჩემს ქვისლს თომასაც და ავრცელებს თავისს ოჯახში და ტრაქტირშიაც. მე ის ძალიან მებრალება, რომ ფრიად დაშორდა და მოსწყდა წმიდა სარწმუნოებას. განსაკუთრებით კი მებრალება მისი ოჯახი, რადგანაც მან ყოველივე უნდა მოისმინოს ხოლმე მისის პირიდან უღვთო, ურწმუნობით სავსე, განმხრწნელი სიტყვები და მსჯელობანი. ძალიან კი მინდა, რომ თქვენ ის მოაბრუნოთ ქეშმარიტს გზაკვალზე.

მღვდელმა, რომელმაც მღუპარედ

მოისმინა ეს გულის დარდი თვისის მეზობლისა, სთქვა გულწრფელად და დინჯად: მე ძალიან მიხარიან, კეთილო მეზობელო, რომ თქვენ ეგრე ნდობით და გულახდილად განმიცხადეთ თქვენი სურვილი და თხოვნა. მე თქვენ იმ თავითვე გიცნობთ კეთილ და მორწმუნე ქრისტეანედ და იმედი მაქვს, რომ ეგრეთვე დარჩებით სიკვდილამდე. თქვენი საკუთარი ექვი მალე გაიფანტება, რადგანაც თქვენ გაქვთ კეთილი განზრახვა და ნება და მიისწრაფით სიმართლისკენ. უფრო ძნელი იქნება დაყოლიება თქვენის ქვისლის თომასი, რომელსაც, მგონია, ერთობა აქვს ფაბრიკაში ურწმუნო ამხანაგებთან და მათგან უკვე მოშამულია ცრუმოდღვრების გესლით. ის, მგონია, უკვე ურწმუნო თომაობს, თქვენ ისევ მორწმუნე პეტრე ხართ. მებრალეობა ის, ნამეტნავად კი მისი ოჯახობა. შესაძლოა, კეთილმა ცოლმა შვილებით დაჰკარგოს წმიდა სარწმუნოება თავის საკუთარ ქმრის მიზეზით. როგორ უძიმებს ეს უკანასკნელი თავის სულს! ასეთ გავლენით და ხელმძღვანელობით აღზრდილ შვილებს რა კეთილი დაეყრებათ! მე თქვენ გირჩევთ: ხვალ საღამოთი თქვენი ქვისლი მოიყვანეთ ჩემთან; მე მზადა ვარ ამ თვეში ყოველ საღამოთი თავისუფალს დროს განვიმარტოთ სულ ყველა თანამედროვე მწვავე საკითხები.

პეტრე. ძალიან კარგი და ჩემთვისაც ძალიან სასიამოვნო იქნებოდა, თუ თქვენ მაგ შრომას იკისრებდით. მე დიდი ხანია ეს მსურდა, მაგრამ ვერ გიბედავდით თქმას. მე ეხლავე წავალ ჩემს ქვისლთან და შევატყობინებ თქვენგან სიყვარულით მოწვევას. მე აქედანვე ვიცი, რომ ის სიხარულით მიიღებს ამას. გამოგიტყდებით, რომ მე ჯერ კიდევ მაქვს გავლენა მაზე და იმედი, რომ კარგს გზაზე დავაყენებთ მას. როგორ განხარებებს მისი ცოლი, რომ მისი ქმარი დაუბრუნ-

დებოდეს სარწმუნოებას და ხელახლად, როგორც უწინ, სუფევდეს ორივე მეუღლეთა შორის მშვიდობა სიყვარული და თანხმობა! თქვენ არ დაიჯერებთ, მაშაო, რანაირად დაირღვა და დაიშალა ჩემის ქვისლის ოჯახი მას შემდეგ, რაც ის მიეკედლა იმ კაცებს, რომლებსაც თავის დროშაზე დაუწერიათ: „არ არის არც ღმერთი, არც მარადისობა!“

მღვდელი: დიად თავისთავად ცხადია, რომ იქ სადაც აღარ არის არც სარწმუნოება, არც რჯული, არ შეიძლება იქ იყოს არც მშვიდობა და არც ქვეშაობა ბედნიერება. ეს დაამოწმა ჯერ ისევ მართალმა იობმა, როცა სთქვა, რომ ღვთის მოწინააღმდეგე მშვიდობას ვერ ჰპოვებსო. გამოცდილებაც, ისტორიაც გვარწმუნებენ, რომ სარწმუნოება არის საფუძველი ყველა ბედნიერებისა და კეთილდღეობისა.

პეტრე: აი სწორედ მაგ აზრებმა მიძულეს, რომ მოვსულიყავ თქვენთან და მეთხოვნა საჭირო დარიგება და განმარტება იმ მუხლებისა, რომლებსაც ეხლა ყველაზე უფრო უარპყოფენ. მე ვეცდები თავი გავითავისუფლო და ხვალ საღამოთივე გეახლებით თქვენთან ჩემი ქვისლით.

მღვდელი: ძალიან მესიამოვნება, თუ ხვალ ორივეს გნახავთ ჩვენსა. მაშ ნახვამდის!

შემდეგი იქნება.

ა. პ.

პრიტიკული შენიშვნები

(„გარემლი“, სალიტერატურო კრებული წიგნი. 1.)

ბ. ს. რ. გორგაძის წერილი ლექსთა წყობის თეორიიდან „ქართული წყობილი სიტყვაობა“ დიდათ საყურადღებო სტატიაა. პატრივცემული ავტორი ეხება ქართულ წყობილ სიტყვაობას და სწორეთ საქებურის ბეჯითობით და კეთილსინი-

დისიერებით იკვლევს ჯერ სრულიად ხელუხლებელ ასპარეზს ქართული წყობილ სიტყვაობისას, კანონებს ქართული მახვილისას, ჰექზამეტრისას. თუმცა მახვილისა და ჰექზამეტრების შესახებ სხვა და სხვა აზრი ტრილობს დღეს ქართულ მწერლობაში და საჭიროც არის ჩემი მკითხველისთვის ამ აზრების გაშუქება, მაგრამ მე ამ საგანს ახლა აქ ვერ გამოვუდგები. ვერ გამოვუდგები იმიტომ, რომ ეს საგანი, ერთი, ჩემს სპეციალისტობას არ შეადგენს, მეორეა ჩემს სტატიებს ისედაც შორს მიყავარ და, ამიტომაც, ბატ. გორგაძის სტატიაში ვუჩვენებ მკითხველებს მხოლოდ იმ ადგილებს, რომელიც უფრო სპეციალურად ჩემს პირდაპირ საგანს — სალიტერატურო კრიტიკას შეეხება.

ამ სამი წლის წინათ მე დავსტამბე „შინაურ საქმეებში“ ილია ჭავჭავაძის ლექსთა კრიტიკული განხილვა, სადაც, სხვათა შორის, აღვნიშნე შეუსაბამობა, არა ბუნებრივობა მისი ლექსებისა და, რომ სტატია არ გამეჭიანურებინა, მხოლოდ ერთი მაგალითი წარვუდგინე მკითხველს ჩემი აზრის დასამტკიცებლად. ახლა ბატ. ს. გორგაძე უფრო ვრცლად ეხება ამ საყურადღებო საგანს „გრდემლში“ და მინდა მკითხველს გავაცნო მისი არგუმენტაციაც.

„გრამატიკულად არა ბუნებრივია, მაგალითად შემდეგი ხაზგასმული მუხლი ილია ჭავჭავაძის ლექსიდან:

„ყველგან ეს სიტყვა
ლამპრად წინ მიმყვა,
და ქვეყნად ჩემს სვლას
ჰსცემდა წმინდ ნათელს“¹⁾.

როგორც მკითხველს მოეხსენება, სიტყვა „წმინდა“ ბ-ზე დაბოლოებული ზედსართავი სახელია. ხოლო, როცა ამ ასოზე დაბოლოებული ზედსართავეები²⁾

არსებითს სახელებს ექსოვება, იმავე ბრუნვის სრულს დაბოლოებას მიიღებს, რომელშიაც არსებითი სახელი ზის, ან სრულიად უცვლელი რჩება. მაშასადამე, სიტყვები „წმინდა ნათელი“ მიცემითს ბრუნვაში შექსოვის დროს მოგვცემს:

„წმინდა-სა ნათელ-სა“,

„წმინდა-ს ნათელს“,

ან:

„წმინდა ნათელს“,

და არას გზით არა:

„წმინდ ნათელს“,

როგორც ეს ი. ჭავჭავაძის ლექსებშია. ცხადია, ავტორს პირველი სიტყვისთვის გრამატიკულად საჭირო ბოლო ასო (ა) იმ მიზნით დაუკლია, რომ მუხლში ხუთ მარცვალზე მეტი არ გამოსულიყო, რადგან მთელი ლექსი ხუთ ხუთ-მარცვლოვანი მუხლების ზომითაა დაწერილი. მაგრამ, რადგან ქართული ბუნება ამგვარს შემოკლებას ჯერ არ იცნობს, ამის გამო აღნიშნული მუხლი მსმენელის ყურსაც ეჩოთირება და გამოსათქმელადაც არა ბუნებრივია.

არა ბუნებრივია, აგრეთვე, შემდეგი ხაზგასმული ადგილი იმავე პოეტის მეორე ლექსიდან:

„ან შენ მაშინ

რა იცოდი,

ან შენმ გიყმა

რა იცოდა...“¹⁾

მუხლი „ან შენმ გიყმა“ გრამატიკულათ შეუწყნარებელი სიტყვათა შექსოვაა, რადგან კუთვნილებითი ნაცვალ სახელი „შენი და სიტყვა „გიყი“ მოთხრობითს ბრუნვაში ერთმანეთთან შექსოვის დროს იძლევიან, ან:

„შენმან გიყმან“,

ან:

„შენმა გიყმა“,

და არა „შენმ გიყმა“. ქართული ენის ბუნება მოთხრობითს ბრუნვაში კუ-

¹⁾ იხ. თხზულებანი ილ. ჭავ. ტ. 1 გვ. 19

²⁾ აგრეთვე ე-ზე, მ და შ-ზე დაბოლოებულებიც.

¹⁾ იხ. ილ. ჭავ. თხზულებანი ტ. 1 გვ. 95—96.

თენილებითი ნაცვალსახელების ამგვარს შემოკლებას არ იცნობს. ამიტომ ზემორე ამოწერილს ლექსში აღნიშნული მუხლი არა ბუნებრივია და უკეთილხმოვანო...

„ჩვენი ხალხური პოეზია, განაგრძობს ბ-ნი ს. გორგაძე, და, ზოგჯერ, საუკეთესო მწერლებიც ამ სამართლიან დებულებას (ე. ი. პატარა ლექსები თავიდან ბოლომდე ერთისა და იმავე ზომით უნდა იწერებოდესო. სილ. ხუნდაძე) არ იცავენ: ხშირათ ერთსა და იმავე ხანაშია ცი სხვადასხვა ზომის საშირო ტაეებესა რევენ და მით დიდათ ვნებენ ლექსის კეთილ ხმოვანებას; ამგვართ დაწერილი ლექსები გამოსათქმელადაც მძიმეა და მოსასმენად არა-ჰარმონიულია.

ამის დასამტკიცებელი მაგალითია ილია ქავჭავაძის ლექსიდან „ბახალეთის ტბა“, რომელიც დედა-აზრით და პოეტური სურათებით, როგორც ვიცით, ერთი საუკეთესო ლექსთაგანია, მაგრამ წყობილ სიტყვაობის მხრით კი მრავალ ნაკლულევანებას წარმოგვიდგენს ტაეპთა სქემა:

ვერ ერჩის თურმე მის მწვანეს
ვერც სიცხე, ვერცა ზამთარი;
და იმის მზიან ჩრდილებში
მუდამ გაზაფხული არის.

მარტო ერთნი სირინოზნი
იმ აკვანს გარს ეხვევიან;
მარტო ივინი გრძნეულნი
დასტფიან და დამღერიან.

ამას კი აღარ ამბობენ,
აკვანში ვინ ჩააწვინა,
ან თვით ერმა თვისი ცრემლი
ზედ ტბად რისთვის დაადინა²⁾.
როგორც მკითხველი შეამჩნევდა და

²⁾ იხ. ილია ქავჭავაძე—თხზულებანი ტ. 1. გვ. 295-296.

რიცხვითი სქემაც უჩვენებს, ზემოთმოტანილ პირველ ხანაში მეოთხე ტაეები ჩახრუხაული შაირისაა, დანარჩენი ტაეები კი იმავე ხანაში ყველა რუსთაველურია. პირიქით მეორე ხანაში მესამე ტაეები რუსთაველურია, დანარჩენები კი ყველა ჩახრუხაულია; ასევეა მესამე ხანაშიაც, სადაც პირველი ტაეები რუსთაველურია, დანარჩენები კი ყველა ჩახრუხაულია. და, აი, რით აიხსნება, რომ ეს სხვა მხრივ, ჩინებული ნაწარმოები წასაკითხად და მოსასმენად ჰარმონიული არაა. მართალია, თავის შენადგენობით იგი ძლიერ გვაგონებს ხალხურ ლექსებს, მაგრამ ამით მის „ჰარმონიას“ არა ემატება-რა: მუსიკალობით იგი ძლიერ სუსტი ნაწარმოებია“...

არა ბუნებრივობას პოულობს ბ. ს. გორგაძე ვაჟა-ფშაველას ლექსებშიაც:

არაგვის პირით წასული
მე დავრჩი ვარმად ცალია,
მიპოვნა ერთმა მეცხვარემ
დაქრილიც ცოცხალ მკვდარია.³⁾

ამ მაგალითში ბოლო ასო „ა“ მხოლოდ მუხლების შესავსებლად (და რითმისთვის) არის ნახმარი; არავითარი გრამატიკული საფუძველი მას აქ არ მოეპოება. ამიტომ ბოლო მუხლების მოსმენა შეუჩვეველ ყურსა და გონებას ეუცხოვება და ეჩოთირება, როგორც ყოველი არა-ბუნებრივი და საკმაო საფუძველს მოკლებული მოვლენა...

„ქვემოთ მოტანილ მაგალითში ასო მ პირველ შემთხვევაში ბუნებრივია, მეორეში კი არა-ბუნებრივი:

მივიდა ხესთან ცულითა.
სთქვა: „უნდა მოვსქრა ესა-ო.
შემოჰკრავს ცულოსა და ამ დროს,
ხის შემოვსმა კვნესა-ო.“⁴⁾

³⁾ იხ. ვაჟა-ფშაველა—თხზულებანი ტ. 1. 1899 წ. გვ. 16.

⁴⁾ იხ. მისივე „ცრემლები“, გვ. 110-111, ტფ. 1909 წ.

მართალია **ა**-ნის და **მ**-ნის ამგვარი ხმარება ხალხურ ლექსებშიაც გვხვდება, მაგრამ ეს გარემოება სრულიადაც ვერა სპობს იმ დისპარმონიას, რომელიც ამ ასოების უადგილო ხმარებას ლექსის ბუნებრივობაში შეაქვს. ჩვენა გვგონია, ქართული სალიტერატურო ენა და კერძოდ, მწერლობითი წყობილსიტყვაობა უფრო ბევრათ მოიგებდა, უკეთუ ჩვენს მგონებს ხალხური სიტყვიერებიდან მხოლოდ ისეთი ფორმები შემოჰქონდესთ, რომელნიც ქართული ენის საგრამატიკო კანონებს არ ეწინააღმდეგებიან და მის ბუნებრივობას არ არღვევენ.

ამავე კანონს უნდა აკმაყოფილებდეს ქართული სალექსო მუხლიც, თუ გვსურს იგი კეთილ ხმოვანებით ყოველმხრივ უნაკლოდ გამოვიდეს“...

ამ ჰკუიანურ სიტყვებს განმარტება აღარ ესაჭიროება. მაგრამ ისეთ შვენიერ მოქართულეს, როგორც ბ. ს. გორგაძეა, ვერ მივუტევებ, რომ იგი ხმარობს სიტყვას „საკმაფოა“. უნდა ითქვას საკმაო, რასაკვირველია.

შემდეგი იქნება

ხომლედი.

მოწერილი ამბები.

ჭიათურა. ერთი თვის წინეთ ჭიათურის საავადმყოფოში მისაღებად მოიყვანეს სოფელ ზორვეთიდან ანტონ გვალიას მეუღლე პოლექსია, რომელსაც ქონდა მარცხენა მუხლს ქვევით შიგნიდან გარეთ გახვრეტილი თოფის ტყვიით ფეხი. ტყვია იყო გავლილი წვივის ძვლების ახლოს მრავალ სამუშაო კუნთებსა და ძარღვებში. ავადმყოფს, რადგან ჯეროვანი აქიმობა დროზე არა ჰქონია, მუხლს ქვევით ფრჩხილებამდის გაჩენოდა ანტონის ცეცხლი (Омертвление Антошова ноги). აღწერილი ალაგი იმ ტკივან ფეხისა იყო ნორმალურზე შედარებით უფრო მსხვილი. მთლად მუხ-

ლიდგან ფრჩხილებამდის და ფრჩხილებიც გაშავებული, სისხლის მუშაობა ამ ფეხის უმეტეს ნაწილში შეწყვეტილი, უმეტესი ნერვები ამ ნაწილისა გრძობა დაკარგული; სიცოცხლე ნერვებს შერჩენოდა მარტო ღრმად ძვლების ახლოს მდებარე ხორცსა და ძარღვში. ეს ფეხი მნახველს მოაგონებდა, ვისაც უნახავს ზაფხულის სიცხეში არა ავადმყოფობით დასუსტებულის, არამედ სისხლით, ხორციით და საზრდო მასალით სავსე ნაძალადევად მოკლულ ადამიანის სხეული. შიშისაგან და ჯავრისაგან ავადმყოფს თავის შნო და ფერი აღარ შერჩენოდა. გული ძალიან დასუსტებული ჰქონდა, რასაც მოწმობდა სუსტი და ჩქარი მაჯის ცემა, ანგარიშით ერთ წუთში ას ორმოცდა ათი (150). იმ ოთახში რომელშიაც მოთავსებული იყო ავადმყოფი, ფრიად ცუდი სუნის იდგა, დაზიანებული ფეხის ლეშიდგან გამოსული. ამ ნაირად დატანჯული ადამიანი საავადმყოფოში არ იქნა მიღებული სხვადასხვა მიზეზების გამო. კერძო ბინაზე აქიმობაც ზედმეტ უნაყოფო შრომად იყო ჩათვლილი, რადგან, გულის სისუსტის გამო, ოპერაციის გაკეთება არ შეიძლებოდა გამარჯვებით დაბოლოვებულიყო. სხვა საშუალებით აქიმობა და მორჩენა კი სხვა აქიმებს თავის თავზე არ მიეღოთ. შინ წასვლა ჭიათურიდან, გზაზე სიკვდილის შიშით, თვით ავადმყოფს არ ესურვებია. აღნიშნული ავადმყოფი, მორჩენაზე იმედ-დაკარგული, ქირისუფლებს საავადმყოფოდან წაყვანათ და დაუბინავებიათ ჭიათურის ბაზრის ზედა ნაწილში, ვანო ყურულიშვილის სახლის უკანა ოთახში. ამ ბინაზე სიარული საავადმყოფოს ხირურგს მისივე (ხირურგისვე) ხელმძღვანელობით წამლობა და შეხვევა დაევალებია ერთ ეინმე საავადმყოფოს ფერშლისათვის, რომელსაც ავადმყოფისათვის არავითარი საშუალება

არ გაეკეთებია და თუმცა შედეგის წინასწარმეტყველობა მისთვის არავის დაუკისრებია, მორჩენაზე უიმედობა ჭირისუფლისათვის აშკარად გამოუცხადებია და არხეინად, დამწვიდებული გულით, მოსვლისათანავე, უკან გაბრუნებულა. საავადმყოფოს ფერშლის ამნაირ საქციელზე შემძლია დავსძინო, რომ სადაც აღამიანური თბილი შემატკივარი გულია ტანჯვაში მყოფ აღამიანზე, იქ შეუძლებელი საქმეც შესაძლო ხდება, ამას გვიმტკიცებს ურიცხვი მაგალითები. ბევრი მაგალითების წერა აქ უალაგოდ მიმაჩნია, მხოლოდ დავასახელებ ჩემ მიერ გამონაცად სამ შემთხვევას:

1894 წელს, სვანეთში, სოფელ ეწერში მე უსასყიდლოთ მოვარჩინე ერთი თვის წინათ ხანჯლით მუცლის კედლიდან ნაწლევში დაჭრილი გლეხიკაცის შვილი (გვარი არ მახსოვს), მოსოსტრი დადიშქელიანის სახლის ახლოს მცხოვრები, რომლის მორჩენის თვალთ დამნახავი თვით მოსოსტრი და მისი მეუღლე ოღლა იყო. დაჭრილის გვერდზე გადაბრუნების დროს გაჭრილი მუცლის კედლის ქრილობაც კი შიგნიდგან გამოსული ექსკრიმენტით ისვრებოდა; მაგრამ ჩემი მიცემული წამლებით და გონივრული ღარიგებით ისე კარგად მორჩა ის ბიჭი, რომ მორჩენის შემდეგ, ნაცრის ფერის მსგავსი სახე ვარდს დაემგვანა, რის შემდეგაც მე სვანეთში ერთ წელიწადს დავრჩი და ხშირად მქონდა შემთხვევა დადიშქელიანის სახლში მისვლის დროს მომეკითხა და მენახა ის ჩემი მორჩენილი ბიჭი ფიზიკურ საძნელო სამუშაოზე, აყვავებული და ჯანსაღი.

1895 წელს მთელი ლეჩხუმის მხარე გავაკვირე ოთხი წლის მდებარე ავადმყოფის ვალოდია ნემსაძის მორჩენით ს. ისუნდერში, ოყურშის საზოგადოებაში. ოცი წლის ვაჟაკი ვალოდია, რომელიც ავადმყოფობადის სიმარჯვით, სი-

სწრაფით და სილამაზით შესანიშნავ კმაწვილს წარმოადგენდა, ოთხი წლის უტევარი ავადმყოფობით, ძვლების ჩონჩხს მოგაგონებდა. მოვარჩინე სვანეთიდგან მოგზაურობის დროს შემთხვევით ნახვით და ერთი კვირის განმავლობაში მასთან, მის ბინაზე, დარჩენით და ყოველმხრივი ხელოვნური აქიმობით. შარშან კი 1911¹² წლებში მოვარჩინე ექვსი თვის აქიმობით მეტად სამძიმო და საძნელო, ვიდრე ზემოთ აღწერილი, გვალის ავადმყოფი ქალი, რომლის დაწვრილებით აღწერას თუ მეტი არა ოთხი ფურცელი ქალაღდი მაინც დასჭირდება. ეს იყო სოფ. სარქველეთუბანში (ჭიათურიდგან ექვსი ვერსის მანძილზე) მღვდლის სიმონ მერმანიშვილის მეუღლე — ებრაქსია.

რადგან ხირურგის გამოგზავნილმა ფერშალმა თავს ვერ იდვა, თუ მორჩენა არა, საღვათი და ნუგეში მაინც მიეცა ავადმყოფი ქალისათვის, მომმართეს მე, კერძო აქიმის როლის მასრულებელ ფერშალს ამბროსი ამირანისძე ბარველადეს, და მეც გაბედულად ვიდევი თავზე ავადმყოფისათვის საშვალების მიცემა და სიკვდილისაგან გადარჩენა. ათი დღის განმავლობაში დღე ყოველ, დილა სალამოს, მივდიოდი მე მასთან სხვა და სხვა საშვალების მისაცემად. ფეხი მუხლს ქვეით წამლების საშუალების ძალით მძორების მოშორებით ეწმინდებოდა და, თუ პირველ ხანში გულის სისუსტეს კინალამ თან გადაეტანა ავადმყოფი, ჩემი წამლების საშუალებით იმ ათი დღის უკანასკნელ შვიდ დღეში ავადმყოფს გული სრულიადაც არ შელონებია, ქამის მადას მოუმატა, ჩირქის ცხელება, რომელიც იმ ნაირ ავადმყოფს თან ახლავს, თავთავის დროს სასაქმებელი ტაბლეტიკების ძლევით, შეუშუსბუქდა და სიციხე ნორმალურს მიუახლოვდა, მაჯის ცემაც 95 რიცხვამდის ჩამოვიდა, ესე იგი გულის მუშაობაც ნორმალურს

მიუახლოვდა. ავთომყოფის ოთახში დე-
ზინფექციას დეზინფექციონი წამლების
და პულვერიზატორის საშუალებით ვა-
კეთებდი. ჩემმა ხელოვნურმა ყოველ
მხრივმა აქიმობამ ავადმყოფის პატრო-
ნებს სიკვდილის შიში მთლად დაუკარგა.
ამ სიკეთის დროს ავადმყოფის ოთახში
შემოსულა ჩემდა ფარულად ვილაღ კა-
ლატოზი ქაფით ხელში, რომელსაც
აღეთქვა დაზიანებულ ფეხის მეორე საღ
ფეხსავით მორჩენა, თუ მოიყვანდნ სო-
ფელ არგვეთიდან დარისპან ტეფნაძეს.
მე კი თავიდან ბოლომდის ვადექი ერთ
პირს: ფეხს მოვარჩენდი მხოლოდ ისე,
რომ მუხლს ქვეით სამუშაო ძარღვების
მოქმედება იმ ფეხში აღარ ექნებოდა.
მუხლ ქვეით ავთომყოფი ფეხს მოიხმარ-
და ისე, როგორც ხელოვნურად გაკე-
თებულს; ავადმყოფის მორჩენა გამოიხა-
ტებოდა გულის გამომრთვლებაში, სიც-
ხის ნორმალურზე დაყენებით, გულის
ნორმალურ მუშაობაში, კარგ მადიან სმა-
ქაში, მტკივანი ფეხის კი საღ ხორც
ძარღვ-ძვლებამდის მოწმენდაში და წამ-
ლების საშუალებით მომშრალებაში, თუ
დაშორებული ხორცის საფარი კანი ვერ
შესძლებდა მთლად წამოხრდას, თუ
ისურვებდა ავადმყოფი, ბოლოს იმ ფე-
ხის მოკრაც შეიძლებოდა სიცოცხლის
უვნებლად. ამაზე მეტი სიტყვის მიცემა
არ შემეძლო, თუმცა შესაძლო იყო უფ-
რო ნამყოფიერი ბოლო შქონოდა ჩემს
აქიმობას, მეთერთმეტე დღეს დილით აღ-
რე ჩვეულებისამებრ, როცა ვნახე ავად-
მყოფი, პატრონებმა გამომიციხადეს, რაც
იყო დამალული ჩემგან. მიაბხეს, რომ
მოუყვანიათ და კიდევაც გარიგებთან
თერთმეტ თუმნად ხსენებულ ტეფნაძეს,
რომელსაც თავზე უღვია მტკივანი ფე-
ხის მორჩენა ისე, როგორც მეორე საღი
ფეხია. ეს ტეფნაძე მე დაწოლილი და
საბანში გამოხვეული მძინარი დაძიხვდა.
მე მითხრეს არ გეწყინოსო, ფეხის კარ-

გად გამომრთვლება იმედია შენც გაგე-
ხარდებო. დილა აღრე იყო მე იქილგან
სხვა საქმეზე მივეშურებოდი, მაგრამ აჩ-
ქარებით ჩემი ნამდვილი რწმენა ავადმო-
ფის და ახლად მოსული აქიმის შესანებ
მანც მოვასწარი გამომეთქვა. ვუთხარი,
რომ სასტიკად სცდებოდნ: ვინმე სო-
ფლის აქიმი იმ ავადმყოფის მორჩენას ვერ
შესძლებდა, მხოლოდ მტაცებლური მიზ-
ნით იმ გადაჭრილი სააქიმოდგან ნახე-
ვარ სააქიმოს დატყუებდა და მეორე
დღეს რომ კიდევაც მომკვდარიყო ავად-
მყოფი, იმ გამოიხატარც ფულს მანც
შეირჩენდა, თუ ამ ჩემი გაფრთხილებით
არ ისარგებლებდნ. ამნაირად ბევრი
ტეფნაძის მსგავსი სოფლის აქიმი სწარ-
მოებს, მე გამოცდილობით ვიცოდი. ბო-
ლოს დავსძინე, რომ იმ ავადმყოფის
მორჩენას უნდოდა არა არტო ერთგვა-
რი წამლობა, არამედ ყოველ მხრივი და
ყოველნაირი. ბოლოს მიპასუხეს: ყოვე-
ლი აქიმი თავის თავს აქებსო, ჩვენ
გვსურს ესეც გამოვცადოთო, საღ წავვი-
ვა, რომ მოგვატყუებსო და ამით გამი-
სტუმრეს. ტეფნაძეს ფული წინდაწინ გა-
მოეტყუებია, მხოლოდ, რადგან სირც-
ხვილით აღარ გამოაქვეყნეს, არ ვიცი
რაოდენობის სინამდვილე და ორ კვირე
ნახევარს უცხოვრია კიათურაში გვალის
ხარჯით, რა დრომდისაც იცოცხლა
თვით ავადმყოფმა. ავადმყოფი გამოასალ-
მა წუთი სოფელს უმაღლეს წერტილამ-
დის სიცხის ამატებამ და გულის სისუ-
სტემ ჩემი წასვლიდამ ორ კვირე ნახე-
ვარს შემდგომ. ეს მოხდა დეკემბრის ოც
რიცხვში 1912 წ. მეორე დღეს კი რკი-
ნის გზის ვაგონით წაასვენეს შინ.

ამით მივაქცევ რა ამ შემთხვევას
ბ. ბ. წამკითხველთა ყურადღებას, ვი-
სურვებ არავინ შევიდეს ამნაირ შეცდო-
მაში და იმ დროს, როდესაც აღვილად,
ხელსაყრელად და წესიერად რჩებიან მე-
დიცინის საშუალებით აღნიშნული ავად-

მყოფის მსგავსი ხირურგიული ავადმყოფები, ნურავინ ჩავარდება ტეფნაძის მსგავს ხებრე, არას მკოდნე, ცრუ-აქიმ-უაჩალების ხელში, განსაკუთრებით იმნაირ მიძივე შემთხვევის დროს, როდესაც კარგ გამოცდილ საქმის მკოდნე ამ დროის ხირურგსაც კი შეაფიქრებს აღნიშნული ავადმყოფის მსგავსი პირის აუცილებლად სიკვდილისაგან გადარჩენა. მე იმ ტეფნაძეს სხვა შემთხვევაშიდაც ვიცნობ, როგორც არა კეთილსაიმედო პირს.

ფერშალი ამბროსი ბარულაძე.

წერილი რედაქციის მიმართ.

მამო რედაქტორო!

გთხოვთ ადგილი მისცეთ ამ პატარა შენიშვნას თქვენ პატივცემულ გაზ. „შინაურ საქმეებში“.

„შინაური საქმეების“ № 1-ში წავიკითხე, ვითომც მე მეთხოვოს უწმინდეს სინოდში სკანდის ეკლესიის შეფასება იმ აზრით რომ იმ ეკლესიის მრევლს მეორეთ გადავახდევინო ფული ჩემდა სასარგებლოთ. ეს ცილის წამებაა და ურცხვი ტყუილი. მე ასეთი სურვილი არავისთვის გამიცხადებია და მიკვირს ბ. „ალიოშამ“ საიდგან გაიგო ჩემი გულის პასუხები?! მე შეფასება მიტომ ვითხოვე, რომ უმართლოთ ვისჯები ბ.ბ. ყოფილ ბლადოჩინის იასონ აბესაძის და ყოფილ ღვდლის ზოტიკე ჩიქვილაძის მეოხებით. ვისჯები და ამიტომ ვითხოვე ეკლესიის შეფასება. 5550 მანეთში 30,000 მანეთის ეკლესია ავაშენე და კიდევ მე ვისჯები 6000 მანეთის ჯარიმით. ეკლესია ავაშენე ჩემ საკუთარ ადგილზე, წელიწადს და ცხრა თვეს შეიდი ოსტატი ბერძენი და თორმეტი შავი მუშა შინ მყავდა ჩემ სა-

კუთარ ხარჯზე, მრევლისაგან არავითარი ხარჯი არ მიმიღია; უკანასკნელი ერთი სტაქანი ღვინო და ერთი მჭადი არ დახარჯვია მრევლს, ამას თვითონაც იტყვიან; მხოლოდ უნდა მოეცათ ჩემთვის 5550 მანეთი ფული და ჩემი გამზადილი მასალა უნდა მოეტანათ. ეს ფული ნახევრობა ღვდლებმა და კამიტეტებმა შექამეს, მე ცარიელი დამტოვეს და ჯარიმასაც მახდევინებენ! რაიცა შეეხება მ. ალიოშას სიტყვებს იმის შესახებ, რომ ვითომ მღვდლები ი. წერეთელი და ს. მაჭარაშვილი დ. ჩხარში დარჩენ და განძრახ არ გაყოლიან ბ. ფრიკს ეკლესიის დასათვალთვინებლად - ეს თუ ცილისწამებით არა გაუგებრობით მაინც მოსვლია კორრესპონდენტს. აი საქმე როგორ იყო: ჩემი ეკლესიის შემფასებელი კომისია, რომელსაც შეადგენდა ხსენებული ორი პატივცემული მღვდელი და გუბერნიის ინჟინერი ფრიკი, უნდა მოსულიყო ადგილობრ 25 ივლისს 1912 წელს. მობრძანდნენ ღვდლები წერეთელი და მაჭარაშვილი სოფელს სკანდეს თანდასწრებითა ადგილობრითი პოლიციის პრისტავისა და იცადეს ორი დღე, მაგრამ ინჟინერი ფრიკი არ მობრძანდა და ამიტომ ესენიც წავიდნენ ისე, რომ არაფერი დაუდგენიათ. ამის შემდეგ კიდე გადასწყვიტეს მოსვლა მარიობისთვის პირველთვის. უნდა მოსულიყვნენ სამივე ერთად, მაგრამ ამ მეორე ვადაზედაც მარტო მ. მ. მღვდლები და პრისტავი მობრძანდა. მაშინ ბ. ბ. ღვდლებმა სთხოვეს უ. პოლიციის პრისტავს დაებარებია ხსენებული ეკლესიის აღმაშენებელი კომიტეტის წევრები და რამოდენიმე მრევლთაგანიც; პრისტავმა მაშინვე შეასრულა. კამისიის წევრებმა პრისტავის თანდასწრებით თანახმათ უწმინდესის სინოდის უქახისაყო-

ველივე გამოკითხეს და შეადგინეს ოქმი, რომელზედაც ხელი მოაწერეს კამიტეტის წევრებმა და პოლიციისპრისტავმა. დარჩა საქმე ისევ გაუთავებელი ინჟინერის მოუსვლელობის მიზეზით. შემდეგ ამისა, კიდევ დანიშნეს საქმე 26 ნოემბრისთვის და უნდა მოსულიყვნენ სოფელს სკანდეს. მ. მ. მღვდლები ი. წერეთელი და ს. მაკარაშვილი 25 ნოემბერს საღამოს მობრძანდნენ დაბა ყვირილაში. მეც იქ დავხვდი. 26 ნოემბერს დილის პოეზიით ქუთაისიდან უნდა მოსულიყო ინჟინერი ფრიკი, მაგრამ არ მოვიდა სახალხო მატარებლით. მღვდლებმა საღამოს მატარებლით ქუთაისში წასვლა გადასწყვიტეს, რომ მის მეუღლისთვის მოეხსენებიათ თავისი შეხედულება მინდობილ საქმის შესახებ, მანამ კი ბინაზე წავედით. თურმე ინჟინერი ათ საათზე სალდათების პოეზდს მოყოლია, უქირავებია ფაიტონი და წასულა ჩხარში. ჩხარიდან მამასახლისი წაუყვანია სოფელ სკანდესში და უნახავს ხსენებული ეკლესია და დაბრუნებულა. ჩვენ მისი წასვლა გვიან შევიტყვეთ, მაშინვე ჩავჯექით ჩვენ ნაქირავებ ფაეტონში და, რაც შეიძლებოდა, სიჩქარით გავსწიეთ ჩხარისაკენ. გვინდოდა მიგვესწრო ადგილობრივ, სკანდესში ინჟინერ ფრიკისთვის, მაგრამ გამობრუნებული სკანდიდან ბატონი ფრიკი, ექიმ ტერტეროვთან ერთად, ჩხარში შეგვხვდა, საიდანაც ყვირილაში ერთათ წამოვედით. ასე იყო ეს საქმე. რასაც თვით ბ. ფრიკიც დაგვიმოწმებს და სხვაც ბევრი. ჯერ საქმე ისევ გაუთავებელია კამისიის მხრით და არც არავინ იცის საით გადაიხრება მათი სამართლის ხასწორ-საზომი.

მადლობის გამოცხადება.

ბაგრატიის ტაძრის ნაშთის დაცვის კომიტეტი უღმრეს მადლობას უძღვნის ბლ. მლ. ვ. აბრამიშვილს, რომელმაც აღნიშნულ საქ-

მისათვის თავის საბლალოჩინოში ფული შეაგროვა, და ყველა ქვემო აღნიშნულ შემომარწირველთ. სია შემომწირველთა:

- ბლ. მლ. ვ. აბრამიშვილი 2 მან., მლ. ა. იაკობიშვილი—1 მან, მლ. ე. აბაშიძე—1 მან, მლ. ე. ზაბზიძე—1 მან, მლ. ა. კურცხალა—1 მან, მლ. პ. ყიფშიძე—1 მან. მლ. გ. მიქაძე—1 მან, მლ. ე. იკობაშვილი—1 მან, მლ. ი. წიქვაძე—1 მან, მლ. ი. აბაშიძე—1 მან. მლ. ა. მესხი—1 მან.

კომიტეტის მინდობილობით—ა. გორგაძე.

მამავო რედაქტორო!

ნება მომეცით თქვენი გაზეთის საშუალებით უღრმესი მადლობა გამოუცხადო, როგორც ჩემი ისე ჩემი მრევლის მხრით ს. ზანის მცხოვრებს ილარიონ გვაძაბიას რომელმაც ჩემდამო რწმუნებული ეკლესიას შემოსწირა ოცი მანეთი და შანდლები ღირებული ორმოც და ათი მანეთი.

ლვ. კონსტ. ბერიძე.


მამავო რედაქტორო!

გთხოვთ უმორჩილესად ნება გვიბოძოთ თქვენი პატივცემულ გაზეთ „შინაურ საქმეების“ საშუალებით მადლობა გამოუცხადოთ ს. ხევიჯვარში მცხოვრებელს გიორგი იოსების ძე ტაბატაძეს და თფილისის მოქალაქეს თედო ტაბატაძეს, რომელთაც კეთილ-ინებეს და შემოსწირეს, პირველმა ხუთი მანეთი, ხევიჯვრის სამრევლო სკოლას და მეორემ—ხევიჯვრის წმ. გიორგის ეკლესიას ერთი ხელი შესამოსელი ღირებული 70 მან. და ორი გირვანქა კარგი სურნელოვანი საკმეველი.

ხევიჯვრის სკოლის მმართველი და ამავე ეკლესიის მღვდელი სიმონ ზარიძე.

მამავო რედაქტორო!

უმორჩილესად გთხოვთ ნება გვიბოძოთ თქვენი პატივცემული გაზეთის „შინაური საქმეების“ საშუალებით ჩემი და ჩემდამო რწმუნებული ქვედა შეფის შტატის მთავარ-ანგელოზის ეკლესიის მრევლთა სახე-



იულიუს საარეკ

მოიჯარადრე ქუთ. ლ. ქ. ნავთით

-x| განათმშობისა |x-

== ღა ==

მხოლოდ ერთი წარმომადგენელი
ქუთ და ბათუმის მაწრის ამ მშვე-
ნიერ ხანკმლივ x| ფარნებისა.

👉 იზი ი. ნ. 👈

უფროსილდით მიმსგავსებას

მისამართი ალექსანდრეს ქუჩა, თეგლარამის ხსენი.

ტელეფონი № 18.

ლით უდიდესი მადლობა გამოუცხადოთ
ქვემო მოხსენებულთ პატივცემულთ
პირთ, რომელთაც კეთილ იმეებს და შე-
მოწირეს ამ ეკლესიას:

1. გვარდიის პოლკონიკმა თავადმა
ოტია ელისბარის-ძე დადიანმა ორი რკი-
ნის ბოძი 2. ნადვორნი საეცტნიკმა სპირი-
დონ ივანეს-ძე ენუქიძემ ხუთი რკინის
ბოძი. 3. ქ. ფოთის მოქალაქემ უფ. დიმი-
ტრი საბას-ძე ფანკულაიამ ერთი ზარა-
წონით ოთხი ფუთი და 10 გირ. 4. ქ. ფო-
თის მოვაჭრე გიორგი კონსტანტინეს-ძე
ცავამ ერთი დიდი დასაკიდი კანდელი,
ღირებული ორმოცი მანეთისა. 5. ახნ-მა
ანდრონიკე ისლიამის-ძე გავუამ ერთი გა-

რდამონხნა, ღირებული თუთხმეტი მანე-
თისა 6. დიანოს ხორავამ ემაღიროვანი
აიაზმის ჭურჭელი. 7. ერასტო შურღაიამ
ემაღიროვანი ტაშტი და თუნგი, 8. დ-
ვით გვასალიამ ორი ცინკის დასადგაი
შანდლები, ღირებული ხუთი მანეთისა.
9. ათონის სიმონ კანანელის მონასტრი-
დან ყოველივე სამღუდლო და ტოპე-
ზის შესამოსელი, ძვირფასი დაფარნები,
კრეტსამბელი და სამკვეთლოს გადასა-
ფარებელი აბრეშუმისა, ღირებული ას
ორმოცდა ათი მანეთისა. 10. ქალბატო-
ნმა ოლღა ჯანჯღავასა ჩაიბაის ასულმან
ემბაზი, ღირებული რვა მანეთისა. 11.
ქალბატონმა ელისაბედ (კვიპია) ეკისა.

გუგუშვილის ასულმა რკინის რემოტკე-
ბი, ღირებული ოცდა ათი მანეთად და
დამპირდა კანკელის აღსაშენებლათ ასი
მანეთი ფულს. 12. ქალბატონმა ოლგა
ხოფერისამ ბერიძის ასულმან ათ მანე-
თი ფულად საეკლესიო წიგნების შესა-
ძენათ. 13. აზრი ერასთო მიხაილის-ძე

ქავთარაძემ ამავე მიზნით სამი მანეთი.
14. მაკრინა ჩიქობავამ 15 კაპეიკი.

ქვედა შხედის მთავარანგელოზის შტატის
მღვდელი ვესევი ხოფერია.

რედაქტორი მღვდელი სიმონ ავალიძე
გამომცემელი იოსებ ლეჟავა

მიიღება ხელის მოწერა 1913 წლისათვის

უ რ ვ ე ლ თ ვ ი უ რ უ უ რ ნ ა ლ

„გ ა ნ თ ი ა ლ ე ზ ე“

(წელიწადი პირველი)

დ ა უ რ ვ ე ლ ქ ვ ი რ ი უ ლ გ ა ზ ე თ

შინაურ საქმეებზე

წელიწადი მეხუთე

წლიური ფასი ჟურნალისა ცალკე 5 მანეთი, გაზეთისა 4 მანეთი, ორი-
ვესი ერთად 8 მანეთი. სახალხო სამკითხველოებს და სოფლის მასწავ-
ლებლებს ორივე გამოცემა წლიურათ 7 მანეთად დაეთმობა. ორივე გამო-
ცემა სარწმუნოებრივ-საზოგადოებრივია.

რედ. მღ. ს. მკედლიძე.

გ ა ნ თ ი ა ლ ე ზ ე

მიიღება ხელის მო-
წერა 1913 წლისა-
თვის

სამეცნიერო-პედა-
გოგიურ და სა-
ლიტერატურო
ჟურნალ „განათ-

ლებაზე წელიწ მე-6-. 1913 წელს ჟურნალი „განათლება“ ჩვეულებრივად გამოვა უოველ თვის შუა-
რიცხვებში გარდა ზაფხულის ორის თვისა. ჟურნალში მონაწილეობას იღებენ ყველა ჩვენი საუ-
კეთესო მეცნიერები, მწერლები, პედაგოგები და პოეტები. იანვრიდან ჟურნალში იქნება ცალ-
კე განყოფილება, სადაც დაიბეჭდება უოველგვარი ცნობები ქ. შ. წერა-კითხვის გამავრცელებ-
ბელი საზოგადოებისა და მისი განყოფილებათა მოქმედების შესახებ. წლიური ფასი ჟურნალისა
არის 4 შ., მხოლოდ სოფლის მასწავლებლებს და სასოფლო სამკითხველოებს ჟურნალი დაე-
თმობათ წლიურად 3 შ., საზღვარ გარედ ს შ. ვინც წლიურ ფასს ჟურნალისას იანვრის ბოლო-
ბდის ვადისდის, საჩუქრათ მიიღებს განსვენებულის იაკობ გოგებაშვილის მოზრდილ სურათს.
ხელის მოწერა მიიღება ტფილისში: ქართულ გიმნაზიაში, „ნაკადულის“ რედაქციაში და წე-
რა-კითხვის საზოგადოების წიგნის მაღაზიაში, ივანე ავალიშვილთან ქუთაისში ისილორე
კვიციანიძესთან, ბათუმში - წიგნის მაღაზია „განათიანი“, ამ ორ ადგილას იყიდება ცალკე ნა-
მრებიც; თითო 40 კ. რედაქცია სთხოვს ხელის მომწერლებს, დროზე დაიკვეთონ ჟურნალი.
მისამართი: Тифлисть, Грузин, Дворянская Гимназия, Л. Р. ВОЦВАДЗЕ. რედ.-გამ.
გ. ბოცვაძე.

Открыта подписка

на политическую, общественную и литературную ежедневную газету

ЗАКАВКАЗЬЕ

Безпартійно-прогрессивный, демократическій органъ, обелуживающій интересы Закавказскаго края, безъ различія національностей.

(Восьмой годъ изданія).

Подписная цѣна.

Съ доставкой въ городъ Тифлисъ:

12 м.	11 м.	10 м.	9 м.	8 м.	7 м.	6 м.	5 м.	4 м.	3 м.	2 м.	1 м.
5 р.	4 р. 70 к.	4 р. 40 к.	4 р. 10 к.	3 р. 80 к.	3 р. 40 к.	3 р.	2 р. 60 к.	2 р. 20 к.	1 р. 75 к.	1 р. 35 к.	75 к.

Съ пересылкой для иногородныхъ.

7 р.	6 р. 50 к.	6 р.	5 р. 50 к.	5 р.	4 р. 50 к.	4 р.	3 р. 50 к.	2 р. 80 к.	2 р. 10 к.	1 р. 40 к.	75 к.
------	------------	------	------------	------	------------	------	------------	------------	------------	------------	-------

За границу вдвое больше городекой.

ПЛАТА ЗА ОБЪЯВЛЕНІЯ.

Для Закавказья за мѣсто, занимаемое строкой петица: впереди текета 15 коп., позади текета 10 коп., посреди текета 50 коп., Стороннее сообщеніе 15 коп., зрѣлища и увеселенія 20 коп.

За многократныя объявленія скидка.

объявленія о спросѣ и предложеніи труда, объ отдачѣ квартиръ, наймѣ прислуги на 4 стр. — 25 коп., каждое. Траурныя объявленія—4 руб.

объявленія въ предѣлахъ Кавказа принимаются исключительно въ центральной конторѣ торговаго дома Л. Э. Метцль и К. въ Москвѣ, Мясницкая, д. Сытова, въ отдѣльныхъ въ гор.: С.-Петербургѣ—Большая Морская, № 11, въ Варшавѣ—Маршалковская, № 130, по 24 коп., передъ текетомъ и 12 коп., послѣ текета.